

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo poljoprivrede,
šumarstva i vodoprivrede**

**Broj: 04/1-01-14-031671-6/16
Tuzla, 13.03.2017. godine**

Na osnovu člana 69. stav (2) tačka d) i člana 70. stav (1), 82), (3) i (4) Zakona o javnim nabavkama („Službeni glasnik Bosne i Hercegovine“, broj: 39/14), na Preporuku Komisije za javne nabavke, broj: 04-14-31671-5/16 od 17.02.2017. godine, u postupku javne nabavke radova na realizaciju „Projekta uređenja i čišćenja odvodnih kanala na poljoprivrednom zemljištu K.O. Donja Orahovica i K.O. Donja Lohinja, općina Gračanica“, Ministarstvo poljoprivrede, šumarstva i vodoprivrede, donosi

**O D L U K U
o poništenju postupka javne nabavke**

Član 1.

Poništava se postupak javne nabavke radova na realizacij „Projekta uređenja i čišćenja odvodnih kanala na poljoprivrednom zemljištu K.O. Donja Orahovica i K.O. Donja Lohinja, općina Gračanica“, iz razloga što nijedna od primljenih ponuda nije prihvatljiva, shodno članu 69. stav (2) tačka d) Zakona o javnim nabavkama.

Član 2.

Za izvršenje ove Odluke zadužuje se Odsjek ekonomsko - finansijskih i općih poslova u Ministarstvu poljoprivrede, šumarstva i vodoprivrede.

Član 3.

Ova Odluka bit će objavljena na web stranici Vlade Tuzlanskog kantona: <http://vladatk.kim.ba/dokumenti-mpsv>, istovremeno sa upućivanjem ponuđačima koji su sudjelovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova Odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, putem otvorenog postupka, broj: 04/1-14-031671/16 od 28.12.2016. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 21.800,00 KM (slovima: dvadesetjedadakonvertibilnihmaraka i 00/100).

Obavijest o javnoj nabavci, broj: 1361-1-3-15-3-4/16 poslatao je na objavu dana 30.12.2016. godine, a sažetak objavljen u „Službenom glasniku Bosne i Hercegovine-Oglasni dio“, broj: 4/17“.

Komisija za javne nabavke imenovana je Rješenjem Ministra poljoprivrede, šumarstva i vodoprivrede, broj: 04/1-01-14-017492/16 od 12.07.č2016 godine i broj: 04/1-01-14-017492-6/16 od 24.10.2016. godine.

Komisija za javne nabavke, nakon što je izvršila otvaranje prispjelih prijava i izvršila ocjenjivanje ponuda, dostavila je Izvještaj o radu, broj: 04-14-31671-4/16 od 17.02.2017 godine i Preporuku o poništenju postupka javne nabavke, broj: 04-14-31671-5/16 od 17.02.2017. godine, u postupku javne nabavke radova na realizaciji „Projekta uređenja i čišćenja odvodnih kanala na poljoprivrednom zemljištu K.O. Donja Orahovica i K.O. Donja Lohinja, općina Gračanica“.

U postupku po Izvještaju o radu utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je navedeno sljedeće:

- da je ukupan broj pristiglih ponuda: 4,
- da je blagovremeno zaprimljenih ponuda: 4
- da je neblagovremeno zaprimljenih ponuda: 0
- da su prihvatljive ponude ponuđača: 0,
- da ponude ponuđača:

1. „Gramat“ d.o.o. Gračanica;
2. „Roading“ d.o.o. Gračanica;
3. „Sagra“ d.o.o. Gračanica i
4. „Kuw-ing“ d.o.o. Kalesija,

nisu prihvatljive jer su tehnički neprihvatljive, odnosno nisu dostavljeni u cijelosti dokazi traženi Tenderskom dokumentacijom.

Nadalje u postupku ocjene provedenog postupka Ministarstvo nije našlo razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila te da je preporuka o poništenju javne nabavke, u skladu sa Zakonom o javnim nabavkama, internima aktima i Tenderskom dokumentacijom.

Naime u postupku predmetne nabavke nesumnjivo je utvrđeno da nijedna od pristiglih ponuda nije prihvatljiva, čime su se stekli zakonski uvjeti za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u izreci Odluke.

Uputstvo o pravnom lijeku:

Protiv ove Odluke može se podnijeti žalba najkasnije u roku od deset (10) dana od dana prijema iste, Uredu za razmatranje žalbi u Sarajevu.

Dostavljeno:

- 1 x „Gramat“ d.o.o. Gračanica
- 1 x „Roading“ d.o.o. Gračanica
- 1 x „Sagra“ d.o.o. Gračanica
- 1 x „Kuw-ing“ d.o.o. Kalesija
- 1 x Dosije Komisije za javne nabave
- 1 x Evidencija
- 1 x a/a



8